




CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
NOV 30 1940

T2526.1/0444(2)







左記卷之二

哈佛大學漢和
圖書館珍藏印

貞之發父



山陰章大吉惠伯父纂

男達之成父

訂

為之倬父

註

魯世家

姬姓侯爵自周公伯禽始受封
傳世二十三而至隱公入春秋

隱公

名姑息惠公子

惠公元妃孟子。孟子卒。繼室以聲子。生隱公。宋武公
生仲子。仲子生而有文在其手。曰為魯夫人。故仲子
歸于我。生栢公而惠公薨。是以隱公立而奉之。元年。
春王周正月。不書即位。攝也。○三月。公及邾儀父盟。

于蔑。邾子克也。未王命。故不書爵。曰儀父。克之字貴之

也。公攝位而欲求好於邾。故為蔑之盟。○夏四月。費

伯帥師城郎。不書。非公命也。○惠公之季年。敗宋師

于黃。公立而求成焉。九月。及宋人盟于宿。始通也。○

冬十月。庚申。改葬惠公。公弗臨。隱將讓桓不敢主喪故不書。惠

公之薨也。有宋師。太子步。葬故有闕。是以改葬。○衛

侯來會葬。不見公。亦不書。○鄭共叔之亂。公孫滑出

奔衛。叔段之子衛人為之伐鄭。取廩延。鄭人以王師號師

伐衛南鄙。請師於邾。邾子使私於公子豫。豫魯大夫請

往。公弗許。遂行。及邾人鄭人盟于翼。不書。非公命也。

新作南門。不書。亦非公命也。二事見大夫專擅之端○十二月

祭伯來。非王命也。王臣無王命而私交王室事可知矣○眾終父卒。公

不與。小歛。故不書。日。○二年春。公會戎于潛。脩惠公

之好也。戎請盟。公辭。○司空無駭入極。費冬琴父勝

之。○戎請盟。秋。盟于唐。復脩戎好也。○九月。紀裂繻

來逆女。卿為君逆也。○三年夏。君氏卒。聲子也。隱公之母

不赴於諸侯。不反哭於寢。不祔于姑。故不日。薨。不稱

夫人。故不言葬。不書姓。為公故。曰君氏。○四年夏。公

及宋公遇于清。○五年春。公矢魚于棠。非禮也。且言

遠地也。僖伯諫詳臧氏傳○九月考也。成仲子之宮。廟方將萬

也舞焉。公問羽數於衆仲，對曰：天子用八，諸侯用六，大夫四，士二。夫舞所以節八音而行八風，故自八以下，公從之。於是初獻六羽，始用六佾也。○宋人取邾田，邾人告于鄭曰：請君釋憾於宋，敝邑爲道也。向道也鄭人以王師會之，伐宋，入其郛，以報東門之役。宋人使來告命，公聞其入郛也，將救之，問於使者曰：師何及？對曰：未及國。公故問故云公怒，乃止。辭使者曰：君命寡人，同恤社稷之難，今問諸使者曰：師未及國，非寡人之所敢知也。○六年春，鄭人來渝。變也平更成也。公爲公子怨鄭故欲救宋使者失辭而止鄭因此而來變而爲平成○七年夏，盟于艾，始平

結好也于齊也。○七年夏，城中丘書不時也。○齊侯使夷仲年來聘，結艾之盟也。○七月，公伐邾，爲宋討也。

○八年，鄭伯請釋泰山之祀而祀周公，以泰山之祊，易許田。祊鄭從祀泰山之湯沐邑許田魯人朝宿之邑祊近魯許近鄭鄭欲以祊易許三月

鄭伯使宛來歸祊，不祀泰山也。○公及莒人盟于浮來，以成紀好也。○冬，齊侯使來告成三國。宋衛鄭公使衆仲對曰：君釋三國之圖，以鳩安集其民，君之惠也。寡

君聞命矣，敢不承受君之明德。○九年夏，城郎，書不時也。○秋，鄭人以王命來告伐宋。○冬，公會齊侯于

防，謀伐宋也。○十年春，王正月，公會齊侯、鄭伯于中

丘癸丑盟于鄧，爲師期。○夏五月，羽父先會齊侯，
伯伐宋。六月戊申，公會齊侯、鄭伯于老桃。壬戌，公敗
宋師于菅。庚午，鄭師入郟。辛未，歸于我。庚辰，鄭師入
防。辛巳，歸于我。君子謂鄭莊公於是乎可謂正矣。以
王命討不庭，不貪其土，以勞王爵，正之體也。○十一
年春，滕侯、薛侯來朝。爭長，薛侯曰：「我先封。」滕侯曰：「我
周之卜正也。」薛侯任庶姓也，我不可以後之。公使羽父
請於薛侯曰：「君與滕君，辱在寡人。周諺有之曰：『山有
木，工則度之；賓有禮，主則擇之。』周之宗盟，異姓爲後。
寡人若朝于薛，不敢與諸任齒。君若辱貺寡人，則願

以滕君爲請。」薛侯許之。乃長滕侯。○羽父請殺桓公，

將以求大宰。公曰：「爲其少故也。」吾將授之矣。使營菟

徒裘，別邑之宮室吾將老焉。羽父懼，反譖公子桓公，而請

弑之。公之爲公子也，與鄭人戰于狐壤，止焉。諱獲故曰止

鄭人囚諸尹氏，賂尹氏而禱於其主鍾巫。神名遂與尹

氏歸，而立其主。十一月，公祭鍾巫，齊于社圃，館于蔦

氏。下委反壬辰，羽父使賊弑公于蔦氏，立桓公，而討蔦

氏有死者，不書葬，不成喪也。

桓公 諱軌，惠公子，隱公弟。

元年春，公卽位。脩好于鄭，鄭人請復祀周公，卒以祊

田公許之三月鄭伯以璧假許田為周公祊故也

二事

不宜私易

故璧假夏四月丁未公及鄭伯盟于越結祊成也

盟曰渝盟無享國冬鄭伯拜盟○二年夏四月取郟

大鼎

華督用以賂桓

于宋戊申納于大廟非禮也○秋七月

杞侯來朝不敬杞侯歸乃謀伐之九月入杞討不敬

也○公及戎盟于唐脩舊好也冬公至自唐告于廟

也凡公行告于廟也反行飲至

至廟告飲

舍爵策勳

書勞于策

焉禮也特相會往來稱地讓事也自參

參國

以上則往

稱地來稱會成事也○三年會于贏成昏于齊也○

公會杞侯于郕杞求成也○秋公子翬

輝

如齊逆女

脩先君之好故曰公子齊侯送姜氏非禮也凡公女

嫁于敵國姊妹則上卿送之以禮於先君公子

公所自出

女則下卿送之於

在公子亦上卿送之於天子

則諸卿皆行公不自送於小國則大夫送之○冬

齊仲年來聘致夫人也○四年春正月公狩于郎書

時禮也○夏周宰渠伯糾來聘父在

伯糾攝父之政出聘

故名

○五年冬淳于公

州公以淳于州國所都故稱

如曹度其國危遂

不復六年春自曹來朝

州公自曹來朝

書曰寔來不復其國

也○夏會于成紀來諮謀齊難也○秋大閱簡車馬

也○九月丁卯子同生以天子生之禮舉之

魯十二公唯子

同是適長。接以大牢。卜士負之。唯大子生三日卜士

子故備禮射天地。士妻食乳之。公與文姜宗同宗命婦。婦命之。公問

名於申繻。對曰。名有五。有信。有義。有象。有假。有類。以

名生為信。以德命為義。以類命為象。取於物為假。取

於父為類。不以國。不以官。不以山川。不以隱疾。不以

畜牲。不以器幣。周人以諱事神。名終將諱之。故以國

則廢名。以官則廢職。以山川則廢主。以畜牲則廢祀。

以器幣則廢禮。晉以僖侯名司廢司徒。改名宋以武

公名司廢司空。改司先君獻名武廢二山。具敖是

以大物不可以命。公曰。是其生也。與吾同物。子同生與桓公

同命之曰同。○冬。紀侯來朝。請王命以求成于齊。公

告不能。○七年。春。穀伯鄧侯來朝。名賤之也。○十年。

冬。齊衛鄭來戰于郎。我有辭也。初。北戎病齊。諸侯救

之。鄭公子忽有功焉。齊人餼諸侯。使魯次之。魯以周

班後鄭。鄭人怒。請師於齊。齊人以衛師助。先書齊衛。

王爵也。○十二年。夏。盟于曲池。平杞莒也。○鄭人來

請脩好。○十四年。春。會于曹。曹人致餼禮也。得地○

夏。鄭子人來尋盟。且脩曹之會。○十五年。許叔入于

許。公會齊侯于艾。謀定許也。○十六年。春。正月。會于

曹。謀伐鄭也。納厲公不克夏。伐鄭。秋。七月。公至自伐

左記 卷之二 六

鄭以飲至之禮也。○冬城向。晉時也。○十七年春及邾儀父盟于雒。上催尋蔑之盟也。○夏及齊師戰于奚疆事也。於是齊人侵魯疆。疆吏來告。公曰。疆場之事。慎守其一。而備其不虞。姑盡所備焉。事至而戰。又何謁焉。○伐邾。宋志也。○十八年春。公將有行。遂與姜氏如齊。申繻曰。女有家。男有室。無相瀆也。謂之有禮。易此必敗。公會齊侯于濼。樂遂及文姜如齊。齊侯通焉。公謫責之。以告。夏四月丙子。享公。使公子彭生乘公。公薨于車。彭生多力。齊侯使同載而捐脅殺之。魯人告于齊曰。寡君畏君之威。不敢寧居。來脩舊好。禮成而不反。無所歸

咎惡於諸侯。請以彭生除之。齊人殺彭生。

莊公 諱同桓公子

元年春。不稱即位。文姜出故也。○三月。夫人孫內奔曰孫

于齊。不稱姜氏。絕不為親禮也。○秋。築王姬之館于

外。為外禮也。○二年冬。夫人姜氏會齊侯于禚。書姦

也。○三年春。溺會齊師伐衛。疾之也。○五年秋。邾

挈來。來朝。名。未王命也。○六年冬。齊人來歸衛寶。文

姜請之也。○七年春。文姜會齊侯于防。齊志也。○八

年春。治兵于廟。禮也。夏。師及齊師圍郕。郕降于齊師。

仲慶父請伐齊師。公曰。不可。我實不德。齊師何罪。罪

我之由。夏書曰。臯陶邁種德。德乃降。姑務脩德。以待時乎。秋。師還。君子是以善魯莊公。○十年春。齊桓師伐我。糾納子糾故公將戰。曹邴請見其鄉人曰。肉食者鄙。未能遠謀。乃入見問謀之。又何間焉。邴曰。肉食者鄙。未能遠謀。乃入見問何以戰。公曰。衣食所安。弗敢專也。必以分人。對曰。小惠未徧。民弗從也。公曰。犧牲玉帛。弗敢加也。必以信對曰。小信未孚。神弗福也。曰。小大之獄。雖不能察。必以情對曰。忠之屬也。可以一戰。戰則請從。公與之乘。戰于長勺。齊師敗績。○夏。六月。齊師宋師次于郎。大敗宋師于乘丘。齊師乃還。○十一年。夏。宋為乘丘之

役。故侵我。公禦之。敗諸郟。凡師敵未陳。曰敗某師。皆陳曰戰。大崩曰敗績。得雋曰克。覆若網羅掩覆而敗之曰取某師。京師敗曰王師敗績于某。○十八年。夏。公追戎于濟西。不言其來。諱之也。○二十三年。夏。公如齊觀社。觀蒐軍實非禮也。曹邴諫曰。不可。夫禮所以整民也。故會以訓。上下之則。制財用之節。朝以正班爵之義。帥長幼之序。征伐以討其不然。諸侯有王。言述職王事也王有巡守。以大朝會之類習之。非是。君不舉矣。君舉必書。書而不法。後嗣何觀。○秋。丹桓宮之楹。○二十四年春。刻其桷。皆非禮也。御孫諫曰。臣聞之。儉德之共也。侈

惡之大也。先君有共德，而君納諸大惡，無乃不可乎。

○秋。哀姜莊公所逆至。公使宗婦覲，用幣非禮也。御孫曰：

男贄大者玉帛，小者禽鳥，以章物也。女贄不過榛栗

棗脩，以告虔也。今男女同贄，是無別也。男女之別，國

之大節也。而由夫八亂之，無乃不可乎。○二十五年。

春。陳女叔來聘，始結陳好也。○二十七年。春。公會杞

伯姬莊女于洮姚。非事也。天子非展宣也。義不巡守。諸侯

非民事，不舉卿。非君命，不越竟。○冬。杞伯姬來歸寧。

也。凡諸侯之女歸寧，曰來。出曰來歸。夫人歸寧，曰如

某。出曰歸于某。○冬。饑。滅孫辰。告糴于齊。禮也。○築

郿。非都也。凡邑有宗廟先君之主，曰都。無曰邑。邑曰

築。都曰城。○二十九年。春。新作延廡。書不時也。凡馬

日中春分而出繁出牧於野。日中秋分而入枯入畜於廡。

○冬。十二月。城諸及防。書時也。凡土功龍見而畢務。

角亢龍星也。角亢晨見於東方。戒事也。火見而致用。心為大火。亥月心星見於東方。

水昏正而裁。日至而畢。○三十有一年。夏。六月。齊侯

來獻戎捷。非禮也。凡諸侯有四夷之功，則獻于王。王

以警于夷。中國則不。諸侯不相遺俘。○三十二年。初

公築臺。臨黨掌氏。見孟任黨氏。從之。闕不從。而以夫

人言許之。割臂盟。公生子般焉。公疾，問後於叔牙。對

曰慶父材問於季友對曰臣以死奉般八月癸亥公薨于路寢子般即位次于黨氏冬十月己未共仲父使圉人犂賊子般于黨氏立閔公。

閔公 諱啓方莊公庶子

元年春不書即位亂故也。○夏六月葬莊公亂故是以緩。○冬齊仲孫湫來省難書曰仲孫亦嘉之也。○二年夏吉禘于莊公速也。○初公傳奪卜齋以田公不禁秋八月辛丑共仲使卜齋賊公于武闈成季以僖公適邾共仲奔莒乃入立之僖閔公哀姜之娣叔姜之子也故齊人立之共仲通於哀姜哀姜欲立之閔

公之歿也哀姜與知之故孫于邾齊人取而殺之于夷以其尸歸僖公請而葬之夫人氏之喪至自齊君子以齊人殺哀姜也為已甚矣女子從人者也。

僖公 諱申莊公庶子閔公之兄

元年春不稱即位公出故也公出復入不書諱之也諱國惡禮也。○九月公敗邾師于偃虛丘之戍將歸者也。○五年春王正月辛亥朔日南至公既視朔遂登觀臺以望而書禮也。凡分至啓立春閉立秋必書雲物為備故也。○晉侯使以殺太子申生之故來告。○夏公孫茲如牟娶焉。○秋禘而致哀姜焉非禮也。

凡夫人不薨于寢。不殯于廟。不赴于同。同盟諸侯不祔于

姑。則弗致也。○十一年春。晉侯使以平匹悲反鄭之亂

來告。○十四年。鄆季姬來寧。公怒。止之。以鄆子之不

朝也。夏。遇于防。而使來朝。○十七年。師威。貞淮之會。

公有諸侯之事。未歸而取項。齊人以為討而止公。諱執

言止秋。聲姜以公故。聲姜僖公夫人齊女會齊侯于卞。九月。公至。

書曰。至自會。猶有諸侯之事焉。且諱之也。○二十年。

春。新作南門。書不時也。凡啓塞從時。○任宿。須句。顓

臾。四國風。姓也。實司也。主大皞義與有濟濟水之祀。以服事

諸夏。同服勤王事邾人滅須句。須句子來奔。因成風也成風。成風

僖公之毋須句之女成爲之言於公曰。崇明祀。保小寡。周禮也。

蠻夷猾夏。周禍也。若封須句。是崇皞濟而脩祀紓也。解

禍也。○二十二年春。伐邾。取須句。反其君焉。禮也。邾

人以須句故。出師。公卑邾。不設備而禦之。八月。丁未。

公及邾師戰于升陘。我師敗績。邾人獲公冑。縣諸魚

門。○二十五年。衛人平莒于我。十二月。盟于洮。脩衛

文公之好。且及莒平也。○二十六年春。王正月。公會

莒茲平。時君之號公甯莊子盟于向。尋洮之盟也。齊師侵

我西鄙。討是二盟。洮向也也。○夏。齊孝公伐我比鄙。衛人

伐齊。洮之盟故也。○二十七年春。杞桓公來朝。用夷

禮故曰子。公卑杞。杞不共也。秋。入杞。責無禮也。○公

子買戍衛。時晉伐衛楚人救衛不克。公懼於晉。殺子叢。即買

以說焉。謂楚人曰。不卒戍也。不終戍事。故殺之。○二十九年

春。介葛盧來朝。舍于昌衍之上。公在會。饋之芻米。禮

也。○冬。介葛盧來。以未見公。故復來朝。禮之。加燕好

介葛盧聞牛鳴曰。是生三犧。皆用之矣。其音云。問之

而信。○三十年冬。王使周公閱來聘。饗有昌歠。菖蒲。菹也。

白熬黑黍熬形鹽。鹽形象虎辭曰。國君文足昭也。武可畏也。

則有備物之饗。以象其德。薦五味。羞嘉穀。鹽虎形。以

獻其功。吾何以堪之。○東門襄仲。公子遂將聘于周。遂

初聘于晉。○三十一年春。取濟西田。分曹地也。使臧

文仲往宿於重館。重館人告曰。晉新得諸侯。必親其

共。不速行。將無及也。從之。分曹地。自洮以南。東傳。至也。

于濟。盡曹地也。襄仲如晉。拜曹田也。○三十二年。齊

國莊子來聘。自郊勞。至于贈賄。禮成。而加之以敏。臧

文仲言於公曰。國子為政。齊猶有禮。君其朝焉。臣聞

之。服於有禮。社稷之衛也。○公伐邾。取訾婁。以報升

陘之役。邾人不設備。秋。襄仲復伐邾。○冬。公如齊朝

且弔。有狄師也。反薨于小寢。即安也。

文公 諱與僖公子

元年春王使內史叔服來會葬。○於是閏三月，非禮

也。閏當在僖未年先王之正時也。履端於始。謂以十一月初一刻冬至

為曆首日月運轉猶人之行故推曆謂步曆舉正於中。日月之行有遲速分十二月舉中氣

以正歸餘於終。氣盈朔虛所餘之日置之為閏履端於始，序則不

愆。舉正於中，民則不惑。歸餘於終，事則不悖。○夏，四

月，丁巳，葬僖公。緩。○王使毛伯衛來錫，公命叔孫得

臣如周拜。○穆伯公孫如齊，始聘焉。禮也。凡君即位，

卿出並聘，踐脩舊好，要結外援，好事鄰國，以衛社稷，

忠信甲讓之道也。忠，德之正也。信，德之固也。甲讓，德

之基也。○二年，丁丑，作僖公主書，不時也。○凡君薨

卒哭，也而祔。於祖廟祔而作主，特祀於主，烝嘗禘於廟。

○晉人以公不朝來討，公如晉。夏，四月，己巳，晉人使

陽處父盟公，以耻之。書曰：及晉處父盟，以厭損之也。

適晉，不書，諱之也。○公未至，六月，穆伯會諸侯及晉

司空士穀，士穀士薦子盟於垂隴，晉討衛故也。書：士穀，堪

其事也。○襄仲如齊，納幣，禮也。凡君即位，好舅甥，脩

昏姻，娶元妃，以奉粢盛，孝也。孝，禮之始也。○三年，春，

莊叔會諸侯之師伐沈，以其服於楚也。沈潰，凡民逃

其上，曰潰。○晉人懼其無禮於公也，請改盟，公如晉

及晉侯盟。晉侯饗公，賦菁菁者莪。取其既見君子樂且有儀莊叔

以公降拜曰小國受命於大國敢不慎儀君貺之以
大禮何樂如之抑小國之樂大國之惠也晉侯降辭
登成拜賓主登堂成拜公賦嘉樂取令德宜民○逆婦姜于齊卿
不行非禮也君子是以知出姜文公薨而出故云之不允信也
於魯也曰貴聘而賤逆之君小君而卑之立而廢之棄
信而壞其主在國必亂在家必亡不允宜哉詩曰畏
天之威于時保之敬主之謂也○衛甯武子來聘公
與之宴爲賦湛露及彤弓不辭又不答賦使行人私
問焉對曰臣以爲肄業樂工肄習及之也昔諸侯朝正於
王王宴樂之於是乎賦湛露則天子當陽諸侯用命

也諸侯敵王所愾

怒也

而獻其功王於是乎賜之彤

赤色

弓一彤矢百旅

黑色

弓矢千以覺

明也

報宴今陪臣來繼

舊好君辱貺之其敢于大禮以自取戾○冬成風

信母

薨○五年春王使榮叔來舍且賜召昭公來會葬禮

也○六年閏月不告朔非禮也閏以正時時以作事

事以厚生生民之道於是乎在矣不告閏朔棄時政

也何以爲民○七年春公伐邾間晉難也○三月甲

戌取須句寘文公子焉

邾文公子叛故公使守須句

非禮也

絕大皞祀

以國叛臣故非

○狄侵我西鄙公使告于晉○八年晉人以

扈之盟來討

扈盟魯後至

冬襄仲

即

會晉趙孟盟于衡雍

報扈之盟也。遂會伊維之戎。戎將伐魯故不書。及復公而會之。書曰公

子遂珍也。貴也。○九年春，毛伯衛來求金，非禮也。不

書王命未葬也。襄王也。○二月，莊叔如周葬襄王。○秦人

來歸僖公成風之襚禮也。諸侯相弔賀也。雖不當事，

苟有禮焉，書也。以無忘舊好。○十年秋，七月，及蘇子

盟于女栗，頃王立故也。○十一年秋，曹文公來朝，即

位而來見也。○邾大夫朱儒自安於夫鍾。邾邑。國人弗

狗也。順也。○十二年春，邾伯卒，邾人立君。大夫以夫鍾邾

邾圭來奔，公以諸侯逆之，非禮也。故書曰邾伯來奔，

不書地，尊諸侯也。○杞桓公來朝，始朝公也。且請絕

叔姬而無絕昏。立其娣以爲夫人。公許之。二月，叔姬卒，不言

杞絕也。書叔姬言非女也。○秋，滕昭公來朝，亦始朝

公也。○秦伯使西乞術來聘，且言將伐晉。襄仲辭玉

曰：君不忘先君之好，照臨魯國，鎮撫其社稷，重之以

大器，寡君敢辭玉。對曰：不腆敝器，不足辭也。主人三

辭，賓答曰：寡君願徼福于周公魯公，以事君，不腆先

君之敝器，使下臣致諸執事，以爲瑞節。信也。言以圭璋執信。要

結好命，所以藉寡君之命，結二國之好。是以敢致之。

襄仲曰：不有君子，其能國乎？國無陋矣。厚賄之。○城

諸及鄆，書時也。○十三年冬，公如晉朝，且尋盟，衛侯

會公于沓請平于晉公還鄭伯會公于棐亦請平于

晉公皆成之鄭伯與公宴于棐子家賦鴻鴈取侯伯

意季文子曰寡君未免於此文子賦四月取行役踰

祀于家賦載馳之四章取小國有急欲文子賦采薇

之四章豈敢定居鄭伯拜公答拜○十四年宋高哀

為蕭封人以為卿不義宋公而出遂來奔書曰宋子

哀來奔貴之也○十五年春季文子如晉為單伯與

子叔姬故也○三月宋華耦來盟其官皆從之書曰

宋司馬華孫貴之也公與之宴辭曰君之先臣督得

罪於宋殤公督弒殤公名在諸侯之策臣承其祀其敢辱

君請承命於亞旅魯人以為斂○夏曹伯來朝禮也

諸侯五年再相朝以脩王命古之制也○齊人許單

伯請而赦之使來致命書曰單伯至自齊貴之也○

秋齊人侵我西鄙季文子告于晉○冬十一月晉侯

宋公衛侯蔡侯陳侯鄭伯許男曹伯盟于扈尋新城

之盟且謀伐齊也齊人賂晉侯故不克而還於是

齊難是以公不會書曰諸侯盟于扈無能為故也凡

諸侯會公不與不書諱君惡也與而不書後也○齊

人來歸子叔姬王故也○齊侯侵我西鄙謂諸侯不

能也遂伐曹入其郛討其來朝也○十六年春王正

月及齊平公有疾使季文子會齊侯于陽穀請盟齊侯不肯曰請俟君間也。疾瘳也。○夏五月公四不視朔疾也。公使襄仲納賂于齊侯故盟于郟。雌丘。○十七年夏四月癸亥葬聲姜有齊難是以緩。○齊侯伐我北鄙襄仲請盟六月盟于穀。○十八年二月丁丑公薨六月葬文公。秋襄仲莊叔如齊惠公立故且拜葬也。○文公二妃敬嬴生宣公敬嬴嬖而私事襄仲宣公長而屬諸襄仲襄仲欲立之叔仲不可仲見于齊侯而請之齊侯新立而欲親魯許之冬十月仲殺惡及視。殺太子惡及其母弟視。而立宣公書曰子卒諱之也。

宣公

諱倭文公庶子

元年春王正月公子遂如齊逆女尊君命也。三月遂以夫人婦姜至自齊尊夫人也。○夏季文子如齊納賂以請會會于平州以定公位東門襄仲如齊拜成。○六月齊人取濟西之田爲立公故以賂齊也。○四年春公及齊侯平莒及郟。談莒人不肯公伐莒取向。非禮也。平國以禮不以亂伐而不治亂也以亂平亂何治之有無治何以行禮。○五年春公如齊高固使齊侯止公請叔姬焉。留公強婚也。夏公至自齊書過也。秋九月齊高固來逆女自爲也。故書曰逆叔姬卿自逆

也。冬來反馬。禮送女留其送馬也。三月廟見遣使反。○七年春。衛孫桓

子來盟。始通。且謀會晉也。○夏公會齊侯伐萊。不與

謀也。凡師出與謀曰及。不與謀曰會。○晉侯之立也。

公不朝焉。又不使大夫聘。晉人止公于會。盟于黃父。

公不與盟。以賂免。故黑壤之盟。不書諱之也。○冬。葬

敬嬴。旱。無麻。始用葛。弗雨。不克葬。禮也。禮卜。葬先遠

日。辟避不懷也。思也。○城平陽。書時也。○九年春。王使

來徵聘。夏。孟獻子聘於周。王以為有禮。厚賄之。○秋。

取根牟。言易也。○十年春。公如齊。齊侯以我服故。歸

濟西之田。○秋。劉康公來報聘。○師伐邾。取繹。○季

文子初聘于齊。○冬。子家如齊。伐邾故也。國武子來

報聘。○十四年冬。公孫歸父子家會齊侯于穀。見晏相

子。晏嬰父。與之言魯樂。魯國可樂。桓子告高宣子曰。子家其

亡乎。懷魯國懷思於魯矣。懷必貪。貪必謀。人謀人。人亦謀

已。一國謀之。何以不亡。○十五年春。公孫歸父會楚

子於宋。○秋。初稅畝。非禮也。穀出。不過藉。以豐財也。

○十六年秋。郊伯姬來歸。出也。○十七年冬。公弟叔

盱卒。公母弟也。凡太子之母弟。公在曰公子。不在曰

弟。凡稱弟。皆母弟也。○十八年夏。公使如楚。乞師。欲

以伐齊。楚莊王卒。楚師不出。而用晉師。楚於是乎有

蜀魯地之役。○公孫歸父襄仲子以襄仲之立公也。有寵

欲去三桓。以張公室。與公謀。而聘于晉。欲以晉人去

之冬。公薨。季文子言於朝曰。使我殺適立庶。以失大

援者。仲也。夫臧宣叔怒臧文仲子曰。當其時。不能治

也。後之人何罪。子欲去之。許宣叔名請去之。遂逐東門

氏。襄仲居東門子家即歸父還晉及笙。壇帷。復命於介。設壇張帷

復使命於其介副既復命。袒括髮。袒衣以麻束髮即位哭。三踊成禮而

出。遂奔齊。書曰歸父。還自晉。善之也。

成公諱黑肱宣公子

元年三月。為齊難。故作丘甲。○聞齊將出楚師。夏盟

于赤棘。晉盟○秋。王人來告敗。○三年。夏。公如晉。拜汶

陽之田。秋。叔孫僑如圍棘。取汶陽之田。○冬。十一月。

晉侯使荀庚來聘。荀庚林父子且尋盟。衛侯使孫良夫來

聘。且尋盟。公問諸臧宣叔曰。中行伯荀庚之於晉也。其

位在三。孫子之於衛也。位為上卿。將誰先。對曰。次國

之上卿。當大國之中。中當其下。下當其上。大夫。小國

之上卿。當大國之下卿。中當其上。大夫。下當其下。大

夫。上下如是。古之制也。衛在晉。不得為次國。晉為盟

主。其將先之。丙午盟。晉。丁未盟。衛。禮也。○二年。十一

月。公及楚公子盟于蜀。卿不書。匱盟也。詳楚世家○四年。

春宋華元來聘通嗣君也○杞伯來朝歸叔姬故也

○五年孟獻子如宋報華元也○六年立武宮倚晉之功

非霸主而立武軍非禮也聽於人晉以救其難不可以立武

立武由已非由人也○取鄆言易也○子叔聲伯如

晉命伐宋秋孟獻子叔孫宣伯侵宋晉命也○七年

夏曹宣公來朝○聲伯如莒逆也○八年宋華元來

聘聘共姬也夏宋公使公孫壽來納幣禮也○秋召

桓公來賜公命○冬杞叔姬卒來歸自杞故書○衛

人來媵共姬禮也凡諸侯嫁女同姓媵之異姓則否

○九年春杞桓公來逆叔姬之喪請之也杞叔姬卒

為杞故也逆叔姬為我也○二月伯姬歸于宋夏晉

人來媵禮也○城中城書時也○十年秋公如晉晉

人止公使送葬於是糴莩未及一使結楚晉謂魯

知其虛實冬葬晉景公公送葬諸侯莫在魯人辱之故不

書諱之也○十一年春王三月公至自晉晉人以公

為貳於楚故止公公請受盟而後使歸卻擘來聘且

涖盟夏季文子如晉報聘且涖盟也○秋宣伯聘于

齊以脩前好○十二年春王使以周公之難來告書

曰周公出奔晉凡自周無出天子無外故自周公自

出故也○十四年秋宣伯如齊逆女稱族書叔孫尊

君命也。九月，僑如以夫人婦姜氏至自齊。舍族。不尊

夫人也。故君子曰：春秋之稱微而顯，志記也而晦，婉而

成章，盡而不汙，懲惡而勸善，非聖人誰能脩之。○十

六年，戰之日。戰于鄆陵，詳晉世家齊國佐高無咎至于師，衛侯

出于衛，公出于壞隤，宣伯即僑通於穆姜成公欲去

季孟而取其室，將行。公會穆姜送公而使逐二子，公

以晉難告，曰：請反而聽命。姜怒，公子偃、公子鉏成公庶弟

趨過，指之曰：女不可。是皆君也。公待於壞隤，申重宮

倣備，設守而後行。是以後後於戰期使孟獻子守于公宮。

秋，會于沙隨，謀伐鄭也。郤犇取貨於宣伯而訴公於

晉侯，晉侯不見公。七月，公會尹武公及諸侯，伐鄭，將

行。姜又命公如初。公又申申宮守設而行，諸侯之師次

于鄭西，我師次于督揚，不敢過鄭。子叔聲伯使叔孫

豹一僑如弟請逆于晉師，為食於鄭郊。師逆以至，聲伯四

日不食以待之。食，使者而後食。九月，晉人執季文子

于茗丘。公還，待于鄆。使子叔聲伯請季孫于晉，郤犇

曰：苟去仲孫蔑孟獻子而止季孫行父季文子，吾與子國

親於公室。對曰：僑如之情。潘愿子必聞之矣。若去蔑

與行父，是大棄魯國而罪寡君也。若猶不棄而惠微

周公之福，使寡君得事晉君，則夫二人者魯國社稷

之臣也。若朝亡之，魯必夕亡之。以魯之密邇仇讎。

楚亡而為讎，屬齊。治之何及。郤犢曰：吾為子請邑。對

曰：嬰齊。聲伯名魯之常隸也。敢介大國以求厚焉。承

寡君之命以請，若得所請，吾子之賜多矣。又何求。范

文子謂欒武子曰：季孫於魯，相二君矣。妾不衣帛，馬

不食粟，可不謂忠乎。信讒慝而棄忠良，若諸侯何。子

叔嬰齊奉君命無私，謀國家不貳，圖其身，不忘其君。

若虛其請，是棄善人也。子其圖之。乃許魯平。赦季孫

冬，十月，出叔孫僑如而盟之。僑如奔齊。十二月，季孫

及郤犢盟于扈，歸。刺公子偃，召叔孫豹于齊而立之。

○十八年，公如晉朝嗣君也。六月，公至自晉。晉范宣

子來聘，且拜朝也。君子謂晉於是乎有禮。○八月，邾

宣公來朝，即位而來見也。○築鹿囿，書不時也。○巳

丑，公薨于路寢，言道也。○丁未，葬我君成公，書順也。

襄公 諱午成公子

九月，邾子來朝，禮也。冬，衛子叔，晉知武子來聘，禮也。

凡諸侯即位，小國朝之，大國聘焉，以繼好，結信，謀事。

補闕禮之大者也。○夏，齊姜 成公婦薨，初，穆姜使擇美

櫝，以自為櫬，與頌琴。 猶言雅琴季文子取以葬。君子曰：非

禮也。禮無所逆，婦養姑者也。虧姑以成婦，逆莫大焉。

詩曰其惟哲人告之話也。善言順德之行季孫於是爲不哲矣。且姜氏君之妣也。詩曰爲酒爲醴烝也。昇祖妣以洽百禮降福孔偕也。徧○三年公如晉始朝也。○夏盟于長樗孟獻子相公稽首知武子曰天子在而君辱稽首寡君懼矣孟獻子曰以敝邑介在東表密邇仇讎寡君將君是望敢不稽首。○五年春公至自晉。○夏鄭子國來聘。子產父通嗣君也。○穆叔覲也。鄆大子于晉以成屬鄆書曰叔孫豹鄆大子巫如晉言比諸魯大夫也。○九月丙午盟于戚會吳且命戊陳也。穆叔以屬鄆爲不利使鄆大夫聽命于會。○六年

滕成公來朝始朝公也。○莒人滅鄆鄆恃賂也。○冬穆叔如邾聘且脩平。○晉人以鄆故來討曰何故亡鄆季武子如晉見且聽命。○七年春郊子來朝始朝公也。小邾穆公來朝亦始朝公也。○秋季武子如衛報子叔之聘且辭緩報非貳也。○衛孫文子來聘且拜武子之言而尋孫桓子之盟。○八年春公如晉朝且聽朝聘之數。○莒人伐我東鄆以疆鄆田。○晉范宣子來聘且拜公之辱告將用師於鄭。○九年夏季武子如晉報宣子之聘也。○穆姜薨于東宮。○公送晉侯晉侯以公宴於河上公還及衛冠於成公之廟。

假鍾磬焉。禮也。○十年。秋。七月。楚子囊鄭子耳伐我西鄙。○莒人間諸侯之有事也。伐我東鄙。十有一年。春。作三軍。詳季氏傳○十有二年。春。莒人伐我東鄙。圍台。季武子救台。遂入郟。取其鍾。以爲公盤。取鍾之金鑄爲食器○夏。晉士魴來聘。且拜師。冬。公如晉朝。且拜士魴之辱。禮也。○十三年。春。公至自晉。孟獻子書勞。策於廟禮也○夏。邾亂。分爲三師救邾。遂取之。凡書取。言易也。用大師曰滅。弗地曰入。○冬。城防。書事時也。於是將早。速成也城。滅武仲。請俟畢農事。禮也。○十五年。春。宋向戌來聘。且尋盟。○秋。邾人伐我南鄙。使告於晉。晉

將爲會。以討邾莒。晉侯有疾。乃止。○十六年。秋。齊人圍郟。○十七年。齊人以未得志於我故。秋。齊侯伐我北鄙。圍桃。冬。邾人伐我南鄙。爲齊故也。○十八年。春。白狄始來。○秋。齊侯伐我北鄙。○十九年。晉侯執邾悼公。以其伐我故。遂次于泗上。疆我田。取邾田。自漕水。歸之於我。晉侯先歸。公享晉六卿於蒲圃。賜之三命之服。軍尉。司馬。司空。輿尉。侯奄。皆受一命之服。賄荀偃。束錦。加璧。乘馬。先吳壽夢之鼎。○城西郭。懼齊也。○齊及晉平盟於大隧。故穆叔會范宣子於柯。○二十年。春。及莒平。孟莊子會莒人盟於向。督揚之盟。

故也。○邾人驟數也至。以諸侯之事弗能報也。秋孟莊子伐邾以報之。○齊子即叔老初聘於齊禮也。○二十一年春公如晉拜師及取邾田也。○邾庶其以漆閭丘來奔庶其非卿也。以地來雖賤必書重地也。冬曹武公來朝始見也。○二十四年孟孝伯侵齊晉故也。○二十五年春齊崔杼帥師伐我北鄙以報孝伯之師也。公患之使告於晉孟公綽曰崔子將有大志不在病我必速歸何患焉其來也不寇使民不嚴異於他日齊師徒歸。○二十六年夏中行穆子來聘召公也。○二十八年夏邾悼來朝時事也。○秋孟孝伯如

晉告將爲宋之盟故如楚也。○王人來告喪問崩日以甲寅告故書之以徵過也。○爲宋之盟故公及宋公陳侯鄭伯許男如楚及漢楚康王卒公欲反仲叔昭伯曰我楚國之爲豈爲一人行也子服惠伯曰君子有遠慮小人從邇饑寒不恤誰皇其後不如姑歸也叔孫穆子曰仲子專之矣子服子始學者也榮成子曰圖遠者忠也公遂行。○二十九年春王正月公在楚釋不朝正於廟也公還及方城季武子取卞使公治問問公起居墜書追而與之曰聞守卞者將叛臣帥徒以討之旣得之矣敢告公治致使而退及舍而後

聞取卞。公曰：欲之而言叛，祇見疏也。公謂公冶曰：吾可以入乎？對曰：君實有國，誰敢違君？公與公冶冕服，固辭，強之而後受。公欲無入，榮成伯賦式微。式微，胡不歸。乃歸。五月，公至自楚。公冶致其邑於季氏，而終不入焉。曰：欺其君，何必使余？季孫見之，則言季氏如他日，不見則終不言。季氏及疾，聚其臣曰：我死，必無以冕服歛，非德賞也。且無使季氏葬我。○范獻子來聘，拜城杞也。公享之。展莊叔執幣射者三耦，公臣不足取於家臣。家臣展取，展玉父爲一耦，公臣公巫召伯仲、顏莊叔爲一耦，鄆鼓父、黨叔爲一耦。○吳公子札

來聘。○杞文公來盟，書曰：子賤之也。○晉侯使司馬

女叔侯來治杞田，弗盡歸也。晉悼夫人杞女也，愠曰：齊

叔侯也。取貨先君，若有知也。不尚取知。言不尚取貨。公告

叔侯，叔侯曰：虞、虢、焦、滑、霍、揚、韓、魏，皆姬姓也。晉是以

大。晉滅八國。若非侵小，將何所取？武獻以下，兼國多矣。誰

得治之？杞，夏餘也。而卽東夷。魯、周公之後也。而睦於

晉，以杞封魯，猶可。而何有焉？魯之於晉也，職貢不乏。

玩好時至，公卿大夫相繼於朝，史不絕書，府庫無虛

月，如是可矣。何必瘠魯以肥杞？且先君而有知也，毋

寧夫人而焉用老臣。○冬，孟孝伯如晉，報范叔也。○

三十年春王正月楚子使遠委罷來聘通嗣君也。○
秋七月叔弓如宋葬共姬也。○三十一年公作楚適
楚好其宮宮穆叔曰大誓云民之所欲天必從之君
故作之欲楚也夫故作其宮若不復適楚必死是宮也六月
辛巳公薨于楚宮叔仲帶竊其拱壁大以與御人
也納諸其懷而從取之由是得罪立胡女敬歸襄公之
子子野次于季氏秋九月癸巳卒毀也過哀立敬歸
之婦齊歸之子公子稠。○冬十月滕成公來會葬情
而多涕子服惠伯曰滕君將死矣怠於其位而哀已
甚兆於死所矣能無從乎癸酉葬襄公。

昭公 諱稠襄公子

元年季武子伐莒取鄆詳叔二年叔弓聘于晉報宣
子也晉侯使郊勞辭曰寡君使弓來繼舊好固曰女
無敢為賓徹達命於執事敝邑弘矣敢辱郊使請辭
致館辭曰寡君命下臣來繼舊好好合使成臣之祿
也敢辱大館叔向曰子叔子知禮哉吾聞之曰忠信
禮之器也卑讓禮之宗也辭不忘國忠信也先國後
已卑讓也詩曰敬慎威儀以近有德夫子近德矣。○
三年五月叔弓如滕葬滕成公子服椒為介及郊遇
懿伯椒叔之忌怨仇敬子叔不入惠伯即曰公事有

公利無私忌。請先入。乃先受館。敬子從之。○四年九月。取鄆。鄆叛而來。故曰取。凡克邑不用師。徒曰取。○五年春。王正月。舍中軍。卑公室也。○公如晉。自郊勞。至于贈賄。無失禮。晉侯謂女叔齊曰。魯侯不亦善於禮乎。對曰。魯侯焉知禮。公曰。何爲。自郊勞至于贈賄。禮無違者。何故。不知。對曰。是儀也。不可謂禮。禮所以守其國。行其政令。無失其民者也。今政令在家。不能取也。有子家羈。莊公玄孫懿弗能用也。奸大國之盟。陵虐小國。利人之難。不知其私。公室四分。民與民無異食於他家。三思莫在公。不圖其終。爲國君。難將及身。不恤其所。

禮之本末。將於此乎在。而屑屑焉習儀以亟。言善於禮。不亦遠乎。君子謂叔侯於是乎知禮。○夏。莒牟夷以牟婁及防茲來奔。牟夷非卿而書尊地也。莒人愬于晉。晉侯欲止公。范獻子曰。不可。人朝而執之。誘也。討不以師。而誘以成人情也。爲盟主而犯此二者。無乃不可乎。請歸之。間而以師討焉。乃歸公。秋七月。公至自晉。莒人來討。不設備。戊辰。叔弓敗諸蚡。汾泉。莒未陳也。○七年三月。公如楚。鄭伯勞於師之梁。孟僖子爲介。不能相儀。及楚。不能答郊勞。○晉人來治杞田。季孫將以成與之。謝息爲孟孫守。不可。曰。人有言

曰。雖有挈餅之知。守不假器禮也。夫子從君。而守臣
喪邑。雖吾子亦有猜疑焉。季孫曰。君之在楚。於晉罪
也。又不聽晉。魯罪重矣。晉師必至。吾無以待之。不如
與之。問晉而取諸杞。吾與子桃。成反。言取一而一誰敢有
之。是得二成也。魯無憂。而孟孫益邑。子何病焉。辭以
無山桃與之。萊柞昨二乃遷于桃。晉人爲杞取成。○
八年秋。大蒐于紅。自根牟至于商衛。革車千乘。○九
年。孟僖子如齊。殷盛聘禮也。○冬。築郕囿。書時也。○
十年。秋。七月。平子伐莒。取郟。梗獻俘。始用人於亳社。
○十一年。五月。齊歸薨。大蒐于比蒲。非禮也。○孟僖

子。會邾莊公。盟于稜祥。脩好禮也。○九月。葬齊歸公。
不感。晉士之送葬者。歸以語史趙。史趙曰。必爲魯郊。

言必失國

侍者曰。何故。曰。歸姓

生也。公自歸生。

也。不思親。祖不歸

也。叔向曰。魯公室其卑乎。君有大喪。國不廢蒐。有三
年之喪。而無一日之感。國不恤喪。不忌畏君也。君無

感容。不顧親也。國不忌君。君不顧親。能無卑乎。殆其
失國。○十二年。夏。宋華定來聘。通嗣君也。○十三年。

邾人莒人愬于晉。曰。魯朝夕伐我。幾亡矣。我之不共。
魯故之以。晉侯不見公。使叔向來辭。曰。諸侯將以甲
戍盟。寡君知不得事君矣。請君無勤。子服惠伯對曰。

君信蠻夷之訴。以絕兄弟之國。棄周公之後。亦唯君寡君聞命矣。叔向曰。寡君有甲車四千乘在。雖以無道行之。必可畏也。况其率道。其何敵之有。牛雖瘠。債什於豚上。其畏不歟。南蒯子仲之憂。其庸可棄乎。若奉晉之衆。用諸侯之師。因邾莒杞郕之怒。以討魯罪。間其二憂。南蒯子仲何求而弗克。魯人懼聽命。公不與盟。晉人執季孫意如以歸。公如晉。請季孫荀吳謂韓宣子曰。諸侯相朝。講舊好也。執其卿而朝于君。有不好焉。不如辭之。乃使士景伯辭公于河。○十四年春。南蒯之將叛。叛季氏也。盟費人。司徒老祁慮癸。南蒯家臣僞廢疾。

使請於南蒯曰。臣願受盟而疾興。若以君靈不歟。請待間而盟。許之。二子因民之欲叛也。請朝衆而盟。遂

劫南蒯曰。羣臣不忘其君。

言季氏

畏子

南蒯

以及今。三年

聽命矣。子若弗圖。費人不忍其君。將不能畏子矣。子

何所不逞欲。

何往不快

請送子。請期五日。遂奔齊。侍飲酒

於景公。公曰。叛夫。對曰。臣欲張公室也。子韓皙曰。家

臣而欲張公室。罪莫大焉。司徒老祁慮癸來歸費。齊

侯使鮑文子致之。○冬。公如晉。平丘之會故也。○十

六年。春。王正月。公在晉。晉人止公。不書。諱之也。○夏。

公至自晉。子服昭伯。語季平子曰。晉之公室。其將遂

卑矣。君幼弱。六卿疆而奢傲。將因是以習。習貫爲常。能無卑乎。平子曰。爾幼。惡識國。冬十月。季平子如晉。葬昭公。平子曰。子服伯之言猶信。子服氏有子哉。○十七年春。小邾穆公來朝。公與之燕。季平子賦采菽。取君子來朝何錫予之穆公賦菁菁者莪。取既見君子樂且有儀昭子曰。不有以也。用國其能久乎。○秋。郊子來朝。公與之宴。○二十一年夏。晉士鞅來聘。叔孫爲政。季孫欲惡諸晉。使有司以齊鮑國。七牢歸費之禮爲士鞅。士鞅怒曰。鮑國之位下。其國小。而使鞅從其牢禮。是卑敝邑也。將復諸寡君。魯人恐。加四牢焉。爲十一牢。○三十三

年。武城人取邾師。邾人愬於晉。叔孫婍如晉。晉人執之。書曰。晉人執我行人叔孫婍。言使人也。冬。公爲叔孫故。如晉及河。有疾而復。○二十五年。季公若之姊爲小邾夫人。生宋元夫人。姓曹生子。以妻季平子。昭子如宋聘。且逆之。公若從。謂曹氏勿與。使絕婚魯將逐之。逐季曹氏告公。宋公告樂祁。樂祁曰。與之。如是。魯君必出。政在季氏三世矣。魯君喪政。四公矣。無民而能逞其志者。未之有也。國君是以鎮撫其民。詩曰。人之云亡。心之憂矣。魯君失民矣。焉得逞其志。靖以待命。猶可。動必憂。○初。季公鳥娶妻於齊鮑文子。生甲。公鳥

成季公亥與公思展與公鳥之臣申夜姑相其室。三

共相治公鳥之室及季嬖公鳥妻與饗人檀通而懼乃使其妾

扶音此也已以示秦過之妻公鳥妹曰公若欲使余余不

可而扶余又訴於公甫平子弟曰展與夜姑將要余秦

姬以告公之平子弟公之與公甫告平子平子拘展於

卞而執夜姑將殺之公若泣而哀之曰殺是是殺余

也將為之請平子使豎小臣勿內納日中不得請有司

逆命公之使速殺之故公若怨平子季平子弟邠昭伯之鷄

聞季氏介甲也其鷄邠氏為之金距以金為雞距瓜也平子怒

益宮於邠氏且讓之故邠昭伯亦怨平子臧昭伯之

從弟會為讒於臧氏而逃於季氏臧氏執旃之也平子

怒拘臧氏老將禘於襄公萬舞也者二人其眾萬於季

氏臧孫曰此之謂不庸先君之廟大夫魯諸大夫遂怨平

子公若獻弓於公為昭公子且與之出射於外而謀去

季氏公為告公果公賁皆公為弟公果公賁使侍人僚相

查告公公寢將以戈擊之乃走公曰執之亦無命也

懼而不出數月不見公不怒又使言公使戈以懼之

乃走又使言公曰非小人之所及也公果自言公以

告臧孫臧孫以難告邠孫邠孫以可勸告子家懿伯

莊公懿伯曰讒人以君微幸事若不克君受其名不

可爲也。舍民去公室數世以求克事。不可必也。且政在

焉。其難圖也。公退之。辭曰。臣與聞命矣。言若洩。臣不

獲成。乃館於公。叔孫昭子如闕。勸公居於長府。九月

戊戌。伐季氏。殺公之于門。遂入之。平子登臺而請曰。

君不察臣之罪。使有司討臣以干戈。臣請待於沂上。

以察罪。弗許。請囚于費。弗許。請以五乘亡。弗許。子家

子即懿伯曰。君其許之。政自之出久矣。隱窮也民多取食

焉。爲之徒者衆矣。日入。慝作。弗可知也。衆怒民多怨公不

可蓄也。蓄而弗治。將蘊蘊蓄。民將生心。生心同求。將

合言同叛者君必悔之。弗聽。郈孫曰。必殺之。公使郈孫

逆孟懿子。叔孫氏之司馬鬪宗戾言於其衆曰。若之

何。莫對。又曰。我家臣也。不敢知國。凡有季氏。與無。於

我孰利。皆曰。無季氏。是無叔孫氏也。鬪戾曰。然則救

諸帥。徒以往。陷西北隅以入。公徒釋甲執冰箭箭也而

踞。遂逐之。孟氏使登西北隅。以望季氏。見叔孫氏之

旌。以告孟氏。執郈昭伯殺之于南門之西。遂伐公徒。

子家子曰。諸臣指公若輩僞劫君者。而負罪以出。君止意

如平子之事君也。不敢不改。公曰。余不忍不忍復留國也。與

臧孫如墓謀。遂行。己亥。公孫于齊。次于陽州。齊侯將

唁弔失國曰。唁。公于平陰。公先至于野井。齊侯曰。寡人之

罪也。使有司待于平陰，爲近故也。書曰：公孫于齊，次于陽州。齊侯唁公于野井，禮也。將求於人，則先下之。禮之善物也。齊侯曰：自莒疆以西，請致千社。二十五家爲一千一萬，以待君命。寡人將帥敝賦，以從執事。唯命是聽。君之憂寡人之憂也。公喜。子家子曰：天祿不再，天若胙君，不過周公。以魯足矣。失魯而以千社爲臣，王齊誰與之立？且齊君無信，不如早之晉。弗從。臧昭伯率從者將盟，載書曰：戮力壹心，好惡同之。信也。明罪之有無，繾繾從公，無通外內，以公命示子家子。子家子曰：如此，吾不可以盟。羈子家也不佞，不能與二三

子同心，而以爲皆有罪。從者陷君，留者逐君。或欲通內外，且欲去君。未必繾繾從公。二三子好亡而惡定，焉可同也。陷君於難，罪孰大焉？通外內而去君，君將速入。魯弗通，何爲而何守焉？乃不與盟。○二十六年春，王正月，庚申，齊侯取鄆。三月，公至自齊，處于鄆，言魯地也。○夏，齊侯將納公，命無受魯貨。申豐從，女賈俱季氏家臣貨子猶。即梁

據丘子猶受之，言於齊侯曰：羣臣不盡力于魯君者，非不能事君也。然據有異焉。宋元公爲魯君，如晉卒于曲棘。叔孫昭子求納其君，無疾而歿。二事在前年不知天之棄魯耶？抑魯君有罪於鬼神故及此也？君若待于

曲棘使羣臣從魯君以下焉。若可師有濟也。君而繼之。茲無敵矣。若其無成。君無辱焉。齊侯從之。使公子鉏帥師從公。成大夫公孫朝謂平子曰。有都以衛國也。請我受師。請以成許之。請納質。弗許。曰。信女足矣。告於齊師。曰。孟氏魯之敝室也。用成已甚。弗能忍也。受也。請息肩。詐言于齊。齊師圍成。成人伐齊師之飲馬于淄者。曰。將以厭衆。使知降魯成備。而後告曰。不勝衆。言衆不欲降也師及齊師。戰于炊鼻。齊子淵捷從。逐洩聲子射之。中楯。允瓦。繇胸。過胸。汰。矢激也輶。車七。矢入者三寸。聲子射其馬。斬鞅。在腹。殪。馬死。攻駕。人以爲醜。

戾也。而助之。子車

淵捷

曰。齊人也。將擊子車。子車射之。

殪。其御曰。又之。子車曰。衆可懼也。而不可怒也。子囊

帶

齊大夫

從

逐也野洩

曰。軍無私怒。報乃私也。

將亢子。

欲以公戰

又叱之。亦叱之。

洩叱也。見齊無心于戰

冉豎

射陳武子。中手。失弓而罵。以告平子曰。有君子。白

皙。

顏色

鬢。

美髮眉。

美鬚

甚口。

口辨

平子曰。必子疆也。

無乃亢諸。對曰。謂之君子。何敢亢之。林雍羞爲顏鳴

右。下。

車苑何忌取其耳。

取雍顏鳴去也。

苑子之御

曰。視下顧。

使擊

苑子刺。

弗擊也

林雍斷其足。

繫是行也。

而乘於他車以歸。顏鳴三入齊師。呼曰。林雍乘。○秋

盟于鄆陵。謀納公也。○二十七年春。公如齊。公至自齊。處于鄆。言在外也。○孟懿子陽虎伐鄆。鄆人將戰。子家子曰。天命不悖。疑也。棄君不悖。久矣。使君亡者。必此衆。好戰也。天既禍之。謂出奔。而自福也。不亦難乎。猶有鬼神。此必敗也。嗚呼。爲無望也夫。其死於此乎。公使子家子如晉。公徒敗于且知。地名。○冬。公如齊。齊侯請饗之。子家子曰。朝夕立於其朝。齊侯不坐也。又何饗焉。其飲酒也。乃飲酒。使宰獻爵。而請安。齊侯不坐也。子仲之子曰重。爲齊侯夫人。曰。請使重見子家子。乃以君出。○二十八年春。公如晉。將如乾侯。晉地。子家子曰。有求於人。而

卽其安。人孰矜之。其造於竟。境。弗聽。使請逆于晉。晉

人曰。天禍魯國。君淹。淹。憂。恤在外。君亦不使一个。單。

也。辱在寡人。言不使人告晉。而卽安於甥舅。言齊。其亦使逆君。

自使齊。逆君。使公復于竟。而後逆之。○二十九年春。公至

自乾侯。處于鄆。齊侯使高張來唁公。稱主君。子家子

曰。齊卑君矣。君祇辱焉。公如乾侯。○平子每歲賈。音古。

馬。其從者之衣履。而歸之于乾侯。公執歸馬者。賣之。

乃不歸馬。衛侯來獻其乘馬。曰啓服。馬名。塹。茜。而死。公

將爲之櫛。櫛。也。子家子曰。從者病矣。請以食之。乃以幘

裹之。公賜公衍。昭公子。羔裘。使獻龍輔。玉名。於齊侯。遂入

羔裘齊侯喜與之陽穀公衍公爲之生也其母皆出
皆出公衍先生公爲之母曰相與偕出請相與偕告
產舍三日公爲生其母先以告公爲爲兄公私喜於陽穀
以得邑而思於魯追思曰務人卽公爲此禍也且後
爲喜生而爲兄其誣也久矣乃黜之而以公衍爲大子○
三十年春王正月公在乾侯不先書鄆與乾侯非公
且徵過也○三十一年春王正月公在乾侯言不能
外內也○晉侯將以師納公范獻子曰若召季孫而
不來則信不臣矣然後伐之若何晉人召季孫獻子
使私焉曰子必來我受其無咎季孫意如會晉荀躒

于適歷荀躒曰寡君使躒謂吾子何故出君有君不
事周有常刑子其圖之季孫練冠麻衣跣行伏而對
曰事君臣之所不得也敢逃刑命君若以臣爲有罪
請囚于費以待君之察也亦唯君若以先臣之故不
絕季氏而賜之歿若弗殺弗亡君之惠也歿且不朽
若得從君而歸則固臣之願也敢有異心夏四月季
孫從知伯卽躒如乾侯子家子曰君與之歸一慙之不
忍而終身慙乎公曰諾衆曰在一言矣君指必逐之
荀躒以晉侯之命唁公且曰寡君使躒以君命討於
意如意如不敢逃歿君其入也公曰君惠顧先君之

好施及亡人將使歸糞也掃除宗祧以事君則不能見夫人謂季孫已所能見夫人者有如河荀躒掩耳而走曰寡君其罪之恐敢與知魯國之難臣請復於寡君退而謂季孫君怒未怠子姑歸祭子家子曰君以一乘入于魯師季孫必與君歸公欲從之衆從者魯公不得歸○邾黑肱以濫來奔賤而書名重地故也君子曰名之不可不慎也如是夫有所有地也有名而不如其已以地叛雖賤必書地以名其人終為不義弗可滅已。是故君子動則思禮行則思義不為利回不為義疚。或求名而不得或欲蓋而名章懲不義也齊

豹為衛司寇守嗣大夫作而不義其書為盜邾庶其莒牟夷邾黑肱以土地出求食而已不求其名賤而必書此二物者所以懲肆而去貪也若艱難其身以險危大人在位者而有名章徹攻難之士將奔走之若竊邑叛君以徼大利而無名貪冒墨蓋利也之民將寘力焉是以春秋書齊豹曰盜三叛人名以懲不義數惡無禮其善志也故曰春秋之稱微而顯婉而辨上之人能使昭明善人勸焉淫人懼焉是以君子貴之○三十二年春王正月公在乾侯言不能外內又不能用其人也○十二月公疾徧賜大夫大夫不受賜子

家子雙琥

玉器

一環一璧

輕細

受之。大夫皆受其賜。

已未。公薨。子家子反。賜於府人曰：吾不敢逆君命也。

大夫皆反其賜。書曰：公薨于乾侯。言失其所也。趙簡

子問於史墨曰：季氏出其君而民服焉，諸侯與之。君

死於外而莫之或罪也。對曰：物生有兩，有三，有五，有

陪貳。故天有三辰，地有五行，體有左右，各有妃

配耦也

王有公，諸侯有卿，皆有貳也。天生季氏，以貳魯侯。為

日久矣，民之服焉，不亦宜乎？魯君世從

縱

其失，季氏

世脩其勤，民忘君矣。雖死於外，其誰矜之？社稷無常

奉，君臣無常位。自古以然。故詩曰：高岸為谷，深谷為

陵。三后之姓，於今為庶。主所知也。在易卦雷乘乾曰

大壯，天之道也。昔成季友，桓之季也。文姜之愛子也。

始震

娠

而卜。卜人謁

告也

之曰：生有嘉聞，其名曰友。為

公室輔，及生如卜人之言。有文在其手，曰友。遂以名

之。既而有大功於魯，受費以為上卿。至於文子武子，

世增其業，不廢舊績。魯文公薨而東門遂殺適立庶

魯君於是乎失國。政在季氏於此君也。四公矣。民不

知君，何以得國？是以為君，慎器與名，不可以假人。

定公

諱宋昭公弟

元年。夏，叔孫成子逆公之喪于乾侯。季孫曰：子家子

亟言於我未嘗不中吾志也吾欲與之從政子必止之且聽命焉諸臣之去子家子不見叔孫易幾天會

而哭叔孫請見子家子子家子辭曰羈未得見而從

君以出君不命而薨羈不敢見叔孫使告之曰公衍

公為二人謀實使羣臣不得事君若公子宋昭公主

社稷則羣臣之願也凡從君出而可以入者將唯子

是聽子家氏未有後季孫願與子從政此皆季孫之

願也使不敢叔孫以告對曰若立君則有卿士大夫

與守龜在羈弗敢知若從君者則貌以義從而出者

入可也寇與季為而出者行可也若羈也則君謂知

其出也而未知其入從也羈將逃也喪及壞墮公子

宋先人從公者皆自壞墮反六月癸亥公之喪至自

乾侯戊辰公即位季孫使役如闕魯先公氏公之將

溝絕兆域焉榮駕鷲曰生不能事死又離之以自

旌自彰也縱子忍之後必或耻之乃止季孫問於榮

駕鷲曰吾欲為君謚使子孫知之對曰生弗能事死

又惡之以自信明也將焉用之乃止秋七月癸巳葬

昭公于墓道南孔子之為司寇也溝而合諸墓昭公

出故季平子禱于煬公九月立煬宮○三年冬盟于

郟脩郟好也○五年夏歸粟于蔡以周亟楚敗矜無

資。○六年二月，公侵鄭，取匡，爲晉討鄭之伐胥靡也。往不假道於衛，及還，陽虎使季孟自南門入，出自東門，舍於豚澤。衛侯怒，使彌子瑕追之。公叔文子老矣，輦而如公，曰：「尤人而效之，非禮也。昭公之難，君將以文衛之舒鼎，成衛之昭兆，寶定衛定之鞶鑑，苟可以納之，擇用一焉。公子與二三臣之子，諸侯苟憂之，將以爲之質，此羣臣之所聞也。今將以小忿蒙舊德，無乃不可乎。大太姒之子，唯周公康叔爲相睦也，而效小人以棄之，不亦誣乎。天將多陽虎之罪，以斃之，君姑待之。若何，乃止。」○夏季，桓子如晉，獻鄭俘也。陽虎強

使孟懿子往報夫人之幣，晉人兼享之。孟孫立于房外。更衣房外謂范獻子曰：「陽虎若不能居魯，而息肩於晉，所不以爲中軍司馬者，有如先君。」欲晉厚待之獻子曰：「寡君有官，將使其人，執何知焉。」獻子謂簡子曰：「魯人患陽虎矣，孟孫知其釁，以爲必適晉，故強爲之請，以取入焉。」○陽虎又盟公及三桓於周社，盟國人于亳社。

詛于伍父之衢。○齊人歸鄆，陽關，陽虎居之以爲政。○七年，齊國夏伐我，陽虎御季桓子，公斂處父御孟懿子，將宵乘夜軍齊師。齊師聞之，墮毀伏兵而待之。處父曰：「虎不圖禍，而必死。」店夷曰季家虎陷二子

於難不待有司。余必殺女。虎懼乃還。不敗。○八年春。王正月。公侵齊。門于陽州。○公侵齊。攻廩丘之郭。主人焚衝。戰車或濡。濕也馬褐。衣以救之。遂毀之。主人出師奔陽。虎偽不見。冉猛者曰。猛在此。必敗。猛逐之。顧而無繼。後無偽顛。而止虎曰。盡客氣也。○苦。店越生子。將待事而名之。陽州之役。獲焉。名之曰陽州。○夏。齊國夏高張伐我西鄙。晉士鞅趙鞅荀寅救我。公會晉師于瓦。范獻子執羔。也。贊趙簡子中行文子皆執鴈。魯於是始尚羔。禮卿執羔大夫執鴈魯則同之○季寤公鉏極公山不狃皆不得志於季氏。叔孫輒無寵於叔孫氏。叔仲志不

得志於魯。故五人因陽虎。陽虎欲去三桓。以季寤更季氏。以叔孫輒更叔孫氏。已更孟氏。冬十月。順祀先公而祈焉。辛卯。禘于僖公。壬辰。將享季氏于蒲。圍而殺之。戒都車。兵曰。癸巳至。成宰公歛處父。告孟孫曰。季氏戒都車何故。孟孫曰。吾弗聞。處父曰。然則亂也。必及於子。先備諸。與孟孫以壬辰為期。陽虎前驅。林楚御桓子。虞人以鉞。披劍也盾夾之。陽越殿。將如蒲。圍。桓子咋。乍。暫意謂林楚曰。而先皆季氏之良也。爾以是繼之。對曰。臣聞命後。陽虎為政。魯國服焉。違之徵也。召死。死無益於主。桓子曰。何後之有。而能以我適孟

氏乎。對曰。不敢愛死。懼不免。主桓子曰。往也。孟氏選
圍人之壯者。三百人。以爲公期築室。僞爲於門外。林
楚怒馬。其激及衢而聘陽越射之。不中。築者闔門。有
自門間射陽越殺之。陽虎劫公與武叔以伐孟氏。公
斂處父帥成人自上東門入。與陽氏戰于南門之內。
弗勝。又戰于棘下。陽氏敗。陽虎說甲如公宮。取寶玉
大弓以出。舍于五父之衢。寢而爲食。其徒曰。追其將
至。虎曰。魯人聞余出。喜於徵也。召也何暇追余。從者曰。
嘻。速駕。公斂陽。即處父在公斂陽請追之。孟孫弗許。陽
欲殺桓子。孟孫懼而歸之。子言。即季寤辯。徧告於廟。舍爵

於季氏之廟而出。陽虎入于謹陽關以叛。○九年夏。
陽虎歸寶玉大弓。書曰得器用也。凡獲器用曰得。得
用焉曰獲。六月伐陽關。陽虎使焚萊門。師驚犯之而
出。奔齊請師以伐魯。曰三加。三加師於魯必取之。齊侯將
許之。鮑文子諫曰。臣嘗爲隸於施。魯大夫氏矣。魯未可
取也。上下猶和。衆庶猶睦。能事大國。而無天菑。若之
何取之。陽虎欲勤。勞也齊師也。齊師罷。皮大臣必多死
亡。已於是乎奮其詐謀。夫陽虎有寵於季氏。而將殺
季孫。以不利魯國。而求容焉。親富不親仁。君焉用之。
君富於季氏。而大於魯國。茲陽虎所欲傾覆也。魯免

其疾而君又收之無乃害乎齊侯執陽虎將東將囚東鄙之陽虎願東乃囚諸西鄙盡借邑人之車鞅其軸麻約而歸之載葱靈輜車名寢於其中而逃追而得之囚於齊又以葱靈逃奔宋遂奔晉適趙氏仲尼曰趙氏其世有亂乎○冬及鄭平始叛晉也○十年春及齊平夏公會齊侯於祝其實夾谷○十二年將墮三都於是叔孫氏墮郕遂墮費冬十一月公圍成不克○十五年秋七月壬申嬖氏卒定公夫人不稱夫人成不稱小君不成喪也○冬城漆書不時告也

哀公

諱蔣定公子

二年春伐邾將伐絞

邾邾邑

邾人愛其土故賂以漵沂之

田而受盟○七年夏公會吳于郕吳來徵百宰子服

景伯對曰先王未之有也吳人曰宋百宰我魯不可

以後宋且魯宰晉大夫過十景伯曰晉范鞅貪而棄

禮以大國懼敝邑故敝邑十一宰之君若以禮命於

諸侯則有數矣若亦棄禮則有淫者矣周之王也制

禮上物不過十二以為天之數也今棄周禮而曰

必百宰亦惟執事吳人弗聽景伯曰吳將亡矣棄天

而背本不與必棄疾於我乃與之○八年吳為邾故

將伐魯問於叔孫輒魯人叔孫輒對曰魯有名而無情
伐之必得志焉退而告公山不狃公山不狃曰非禮
也君子違去其國不適讎國未臣而有伐之奔命焉成
之可也所託也則隱且夫人之行也不以所惡廢鄉
今子以小惡而欲覆宗國不亦難乎若使子率帥子
必辭王將使我子張叔孫輒病之以言為已王問於子洩
弗對曰魯雖無與立必有與斃諸侯將救之未可以
得志焉晉與齊楚輔之是四讎也夫魯齊晉之脣脣
亡齒寒君所知也不救何為三月吳伐我子洩率故
故由道險從武城初武城人或有因於吳竟困焉拘
險道

鄆人之漚續管好者曰何故使吾水滋濁及吳師至
拘者道之以伐武城克之王犯吳大夫嘗為之宰澹臺

子羽之父好焉國人懼懿子謂景伯若之何對曰吳
師來斯與之戰何患焉且召之而至皆盟伐邦是召之也又何

求焉吳師克東陽而進舍於五梧明日舍於蠶室公
賓庚公甲叔子與戰于夷獲叔子與析朱鉏賓庚與二人同

車獻於王王曰此同車言三人俱歿必使能國能使人國未可

望也明日舍於庚宗遂次於泗上吳人行成將盟景
伯曰楚人圍宋易子而食析骸以爨自無城下之盟
我未及虧而有城下之盟是棄國也吳輕而遠不能

久將歸矣。請少待之。弗從。景伯負載載造於萊門。乃

請釋舍子服何即景伯於吳為質。吳人許之。以王子姑

曹當之求王子交質而後止遂兩。吳人盟而還。○齊悼公

之來也。季康子以其妹妻之。即位而逆之。季魴侯康

叔通焉。女言其情。弗敢與歸也。齊侯怒。夏五月。齊鮑

牧帥師伐我。取謹。及闡。或譖胡姬景公妾於齊侯曰。安

孺子之黨也。六月。齊侯殺胡姬。齊侯使如吳。請師。將

以伐我。乃歸邾子。邾子又無道。吳子使大宰子餘討

之。囚諸樓臺。梏于去之以棘。使諸大夫奉大子。韋以

為政。○十一年。春。師及齊師戰於郊。齊人遁。夏。為郊

戰故。公會吳子。伐齊。戰於艾陵。大敗齊師。秋。季孫命

脩守備。曰。小勝大。禍也。齊至無日矣。○秋。吳子使來

復傲師。○十二年。春。王正月。用田賦。○夏。五月。昭夫

人。孟子卒。昭公娶于吳。故不書姓。死不赴。故不稱夫

人。不反哭。故不言葬。小君。○十五年。冬。及齊平。子服

景伯如齊。子贛為介。○十七年。公會齊侯。盟於蒙。孟

武伯相。○二十年。春。齊人來徵會。夏。會于廩丘。為鄭

故。謀伐晉。鄭人辭諸侯。秋。師還。○二十一年。夏。五月。

越人始來。○秋。八月。公及齊侯。邾子盟于顧。齊人責

稽首十七年齊侯稽首不答。因歌之曰。魯人之臯緩也。數年不覺。

使我高蹈猶遠唯其儒魯據周禮不答書以為二國齊憂是

行也。公先至于陽穀。齊聞丘息曰：君辱舉玉趾，以在

寡君之軍，羣臣將傳遽傳言急遽以告寡君。比其復也，君

無乃勤勞也。為僕人之未次舍，請除館於舟道齊地。辭曰：

敢勤僕人。○三十三年秋八月，叔青如越，始使越也。

越諸鞅來聘，報叔青也。○二十四年夏四月，晉侯將

伐齊，使來乞師。見滅氏傳○公子荆哀公庶子之母嬖，將以為

夫人，使宗人禮官釁夏獻其禮。對曰：無之。公怒曰：女為

宗司，立夫人，國之大禮也。何故無之？對曰：周公及武

公娶於薛，孝惠娶於商。二公娶于宋定公諱稱商自桓以下，娶於

齊。此禮也。則有。若以妾為夫人，則固無其禮也。公卒

立之，而以荆為大子。國人始惡之。○閏月，公如越，得

大子適郢。越太子名將妻公而多與之地。季孫懼，使因大

宰嚭而納賄焉，乃止。○二十五年六月，公至自越。季

康子孟武伯逆於五梧。郭重僕見二子曰：惡言不臣

多矣。君請盡觀之之。公宴於五梧，武伯為祝。祝上惡

郭重曰：何肥也。季孫曰：請飲彘罰也。以魯國之密爾

仇讎，臣是以不獲從君。克免於大行。又謂重也肥。公

曰：是食言多矣。能無肥乎？飲酒不樂。公與大夫始有

惡。○二十七年春，越子使后庸來聘，且言邾田封于

駘臺

上二月盟于平陽。○公患三桓之侈也。欲以諸

侯去之。三桓亦患公之妄也。故君臣多間。公游于陵

阪。遇孟武伯於孟氏之衢。曰。請有問於子。余及處乎。

對曰。臣無由知之。三問卒辭不對。公欲以越伐魯而

去三桓。秋八月甲戌。公如公孫有陘氏。因孫于邾。乃

遂如越。國人施公孫有山氏。

施罪於有山氏以公自其家出也。

論曰。魯公之見春秋者十二。而隱桓以弑。宣以篡。昭

哀以奔。能善始善終者幾。周公其衰矣。豈真尊賢親

親之過哉。祝其之會。萊人以兵。一變至道。爲之兆也。

而柰之。何以彼婦出走也。悲夫。

左記卷之二終

